

Urkundenbuch der Abtei Sanct Gallen (Ed. Wartmann) Nr. 612

† In nomine sanctae et individuae trinitatis Karolus divina favente clementia rex. Si divinis et ecclesiasticis locis aliqua necessaria ad sustentandum et recuperandum videlicet divinum servitium donamus, procul dubio regium in eo morem decenter implemus et etiam nobis ad aeternam remunerationem plurimum prodesse confidimus. Quapropter omnium fidelium nostrorum noverit industria, quia Hartmodus venerabilis abba depraecatus est celsitudinem nostram, ut quasdam res proprii iuris nostri ad servitium beatissimi confessoris Christi Otuari traderemus statimque nos postulationibus illius satisfacere cupientes decrevimus ita fieri. Concessimus igitur eidem beatissimo confessori Christi Otmaro in ducatu Alamannie quendam proprii iuris nostri curtam nomine Stamheim cum omnibus iuste et legitime ad eandem curtam deservientibus; ea videlicet ratione, ut inde octo homines ad servitium sancti Otuari per cotidiana tempora alerentur, quatinus et servitio eiusdem supranominati sancti insistere sine intermissione praevaleant necnon et pro nobis Deum iugiter exorare non dubitent. Et iussimus hoc nostrae auctoritatis praeceptum inde conscribi, per quod decernimus atque iubemus, ut deinceps ecclesia eiusdem supranominati sancti pastoresque illius de eadem supradicta curta habeant potestatem illo supra ordinato modo pro remedio animae nostrae observato, sicuti lex et iustitia unicuique ecclesiae de suis propriis causis concedit habendum. Et ut haec nostrae largitatis concessio plenior in Dei nomine optineat firmitatem, hoc nostrae auctoritatis praeceptum inde conscribi mandavimus propriaque manu confirmantes anuli nostri inpraessione iussimus sigillari. Signum M domni Karoli serenissimi regis. Inquirinus notarius ad vicem Liutwardi archicancellarii recognovit et subscripsit. Data non. kal. decb., anno incarnationis Domini DCCCLXXX, indictione XIII, anno vero regni piissimi regis Karoli in Francia IIII, in Italia primo in Dei nomine feliciter. Amen.